

## Nowodhow an Seythen

01/09/08

Dalleth a wren gans nowodhow a Ostel Penhallow yn Tewyn Pleustri. Ny vynn dri charjys Gonis Darsywya an Gurun war beswar person. Hedhys vens gans an kreslu y'ga hwithrans an tan. Tri ferson a verwis yn Ostel ma pan veu tan gorrys ynno nans yw unn vledhen. Hwithroryon a lever bos an hwithrans ow pesya.

\*\*

Storva Lyvrow Borders yn Sen Kolom Veur re dhegeas. Bommen vras yw dhe'n dre awos hi dhe arveth hwegh ugens person. Y teuth Borders dhe'n dre nans yw hwegh bledhen, ha skoodhys veu gans meur a arhans Europek. Byttegyns, an diwettha deg oberwas warn ugens a asis an seythen yw passys. Pennrewloryon an kowethas a ros an nowodhow tewl mis Meurth yn unn leverel bos aga negys ow chanjya ha nag esa hwans dhedha a storva na fella.

\*\*

Skath-power a-vri a dheuth dhe Gernow an seythen yw passyes. Earthrace a dorras kovadh an bys dre wolya a-der-dro dhe'n bys yn tri ugens dydh. Y teuth an skath dhe Fowi may hallo Kernow y weles. Power an skath yw res gans bio-disel... ha meni an skath a lever bos hwans dhedha a vywya dre fordhow glas dre vras.

\*\*

Gool Dehwelans a dhehwel an seythen ma. Y fydh Kernowyon dhiworth pub sorn an bys ow tos dhe Logh rag aswon aga gwreythennow, gonisogeth hag istori teylu. Seythenas a hwarvosow yw gans kreft, dons hag ilow. Y fydh orth diwedh an seythen Gorsedh Kernow. Meur a vri dhyn hevlyna yw aswon kyns Epskop Bill a Gernow a-vel bardh awos y ober vas. Y fydh lyver nowydh a-dro dhe'n Orsedh lanchys keffrys. Skrifys yw gans kyns Bardh Meur Rod Lyon. War lergh y vrys, yma hwans dhodho a ewnhe tybyansow ha kryjyansow kamm. Ottomma bardh meur Kernow a lemmyn... Vanessa Beeman...

<clip>

\*\*

Onan a'n brassa bagasow ilow rock y'n bys a hedhyw a wra dos dhe Gernow an mis ma. Y fydh Oasis ow seni orth an Edenva. Bredereth Gallagher re werthas moy es hanter kans mil a albom a-hys an bys.

\*\*

Henn yw oll dhyworth nowodhow an seythen an seythen ma... na vydh dyllans rag diw seythen lemmyn drefen bos hwans dhymm a assaya kampa kyns gorfen an hav. Govenek a'm beus a gавos aswa howlek y'n gewer raghenna.